

MAXILLÆ INFERIORIS LUXATIONE

T H E S E S

ANATOMICO-CHIRURGICÆ.

HAS THESES , Deo juvante & Praside M. PETRO SUE, secundo, antiquo Collegii Prapósito & nunc Questore, antiquo Scholarum Practicarum Anatomia & Chirurgia Professore, Regia Academia Chirurgia Consiliario, in generali Parisiensi præfecturâ Chirurgo ordinario, necnon Academiarum Montpellierensis, Rothomagensis, Divionensis, Lugdunensis & Burdigalensis Socio, tueri conabitur CAROLUS DANIEL GAULTIER DE CLAUDRY, Blesensis, Artium Liberalium præclaræ Universitatis Parisiensis Magister, & Principis Atrebatum Comitum, fratris Regis, Chirurgus trimestris.

Die Luna, 17^a Junii, anno Salutis 1782, à sesqui-secundâ post meridiem ad septimam.

IN REGIIS CHIRURGORUM SCHOLIS,
PRO ACTU PUBLICO

E T

SOLEMNI COOPTATIONE:




P A R I S I I S,

Typis MICHAELIS LAMBERT, Regii Chirurgiæ Collegii necnon Academiae Typographi, viâ Cithareâ.


M. D C C. L X X X I I.

Digitized by the Internet Archive
in 2016

<https://archive.org/details/b22414812>




D. O. M.



D E

MAXILLÆ INFERIORIS LUXATIONE.



T H E S E S
ANATOMICO-CHIRURGICÆ.

POSITIONES ANATOMIÆ.

I.

MAXILLA inferior, sive mandibula, solex ad instar ferreæ figurata, in fœtu infanteque bifida, in unicum os, vigente ætate, coalescit. In tres partes dividitur, scilicet mediam, quæ dicitur *corpus*, & laterales quæ *rami* nuncupantur.

A 2

I I.

IN corpore duas facies & totidem oras discernere fas est : facies anterior , convexa , in medio *mentum* vocata , prominenter & perpendicularem habet lineam , *Symphysim* Maxillæ inferioris dictam. Facies posterior , concava , leviusculis hinc illinc eminentiis exasperatur. Ex duabus oris , superior , in completo dentium numero , sexdecim protuberat alveolis , quæ græcis *φάλας* & *φάλας* , præsepiola , à præsepium similitudine , vocantur. Inferior ora Maxillæ , *basis* , duo labra , unum internum , alterum externum profert. In medio prominet linea superficialis , Maxillæ *spina anterior* dicta.

I I I.

PARALLELOGRAMMUM æmulatur uterque Maxillæ ramus : tres in unoquoque margines , tres anguli occurrunt : horum inferior asperitatibus pluribus conspergitur , & licet obtusus , propriè tamen *anguli maxillaris* nomine donatur : superiorum aliter triangularis & acuminatus , anterior *coronoïdes* , alter verò , in modum capituli conformatus , ad aures vergens , *condyloïdes* processus audit. Hic cavitate quâdam glenoïdeâ , in ossæ temporali excavatâ , recipitur , pro Maxillæ motibus. Cavitas non secus ac condylus cartilagine obducitur : hic verò , breviori collo sustentatus , pluribus ligamentis temporum ossi alligatur , aliis lateralibus externis , altero internō capsulari. Peculiaris insuper in cavitate cartilago , inter-articularis dicta , adnotatur (1). Pro ratione adductionis aut diductionis Maxillæ , vel sub jugo latef-

(1) Vid. accuratam hujus articuli descriptionem à Cl. *Monro* editam in *The Medical Essays* , vol. I , Obs. XI. p. 131 , & vol. III. Obs. XIII , p. 261.

cunt processus coronöides , vel extrà illud prothinent , & à posterioribus condyloïdeis , incisuris femi-circularibus acutis , distinguuntur.

I V.

QUINQUE præcipuè musculorum paria Maxillæ inferiori annectuntur , scilicet acuto ejusdem processui *temporalis* , inferiori & laterali faciei externæ parti *masseter* , foveæ maxillarique angulo anteriùs *pterygoïdeus internus* , condyli collo *pterygoïdeus externus* , menti tandem symphyfi *biventer*. Superiores præterea & inferiores hyoïdis ossis , communesque seu externi laryngis muscoli in eodem osse insertionem habent.

V.

IN interiore mandibulæ substantiâ , canalis angustus , osseus , maximâ ex parte continuus , *canalis maxillaris inferior* dictus , secundùm ossis figuram flexuosè incedit. Duo habet orificia ; alterum in parte internâ , asperum , inæquale , viam præbet arteriæ , maxillaris internæ ramo , & nervo tertii quinti paris rami furculo : alterum in parte externâ infrâ primos molares terminatur. Porro ea est inter hæc duo orificia consensus , ut si fetam interno indideris , eam per externum levi operâ protrudere possis.

V I.

DEORSUM , fursùm , antrorsùm , retrorsùm & in latus moveri potest , ad obeunda manducationis & loquelæ munia , Maxilla inferior. Sursùm elevatur & sic clauditur musculis temporalibus , massetere utroque , & pterigoïdeis internis , eam quoque interdùm ad latera trahentibus. Antrorsùm ducitur pterigoïdeis externis : biventres eam deprimunt , sicque os aperiunt. Ex compositâ autem omnium horum musculorum actione varii in universùm exercentur motus (1).

(1) De iis nec-non de aliis Consul. Act. Reg. Scient. Academ. ann. 1744.

POSITIONES CHIRURGIAE.

I.

NON in aliam quàm anteriorem partem propellitur Maxilla, id quod evenit, dùm ejus condyli super transversum ossis jugalis processum promoventur: Nam in posteriorem, dextram, sinistramque partem excidere nequit, quia obstant processus mastoidei & styloidei; nec propter ipsos condylos in latum moveri potest Maxilla. Ligamenta adhuc robustiora laterali vel posteriori dimotioni inexpugnabile obijciunt impedimentum.

I I.

UTRIUSQUE luxationis speciei eadem causæ tùm internæ tùm externæ. Priores sunt ligamentorum debilitas, convulsiones, effrenati risus, oscitationes nimix. Posteriores habendæ ictus & lapsus. Porro ex omnibus his causis frequentior oscitatio.

I I I.

QUANDO utrâque parte è fede suâ excidit mandibula, totum mentum inclinatur & in partem anteriorem promovetur. Apertum manet os: deprimuntur genæ: saliva copiosè effluit: siccantur fauces: loquela deniquè & deglutitio difficiles admodum evadunt. Si unâ tantum parte procidit maxilla, versùs latus oppositum convertitur mentum: dentes Maxillæ superioris dentibus paribus non respondent; sed sub incisivis canini sunt. In uno latere musculorum tensio & tumefactio solummodò observantur.

I V.

PARUM per se noxia Maxillæ luxatio: pessima tamen, si non reponeretur, procrearet symptomata, ut febrim, soporem, inflammationem, convulsionem, vomitum, atque etiam, juxta Hippocratis sententiam, ægri interitum. Sic quando sub osci-

tatione nonnunquàm ita deorsùm trahitur Maxilla , ut condyli extrà sedem propriam propendeant , processus acuti musculos distorquent , pungendo convellunt , partes aliter ac in sanitatis statu trahunt , nervos & ligamenta violenter tendunt ; & indè , nisi os opportunè in sedem compellatur , periculosa mox memorata symptomata. Hæc verò incompletæ luxationi rarius succedunt.

V.

MULTIPLICI ratione , si auctoribus fides habeatur , luxatæ maxillæ obtineri potest repositio. Sunt enim qui colaphis Maxillam in sedem suam compellere jubent : tali modo fuisse repositas Maxillæ luxationes testis est indubitatæ fidei cel. *Petit* : luxationem verò tunc fuisse incompletam notat. Alii bacillo , veluti vecte , hinc posterioribus Maxillæ inferioris , indè incisivis alteriùs Maxillæ dentibus applicato , luxatumos in sedem suam propulsare nituntur. Maxima autem ex eâ methodo pullulant incommoda , qualia sunt , dentium incisivarum ruptura , nimius dolor , faucium etiam pertimescenda læsio , si è manibus excidat vectis. Quidam tandem bacillum brevius & cylindricum usque ad posteriorem arcûs maxillaris partem protrudunt , mentoque elevato , condylos muscutorum retractioni permittunt. Hujusce encheiresis difficilima praxis : bacillum enim sub solis ultimis dentibus continere molaribus ferè impossibile est & impossibilis fit reductio , si aliis dentibus innitatur bacillum.

V I.

TALIBUS methodis non minùs incongruis quàm periculosis , sequens subjicienda , optato semper coronata successu. Æger in sedili collocatur ; sic ut minister à tergo

stans caput ejus firmiter retineat ; vel ut is juxta parietem sedear, subjecto inter parietem & caput ægri scorteo pulvino duro. Caput eò urgendum est, quò sit immobilis. Deindè Chirurgus, utroque pollice, linteolis priùs involuto, posterioribus ægri molaribus imposito, anteriorem Maxillæ partem volâ manuum complectitur : tùm ramos maxillares pollicibus deprimit, eosque postea retroagit, dùm pollices simul & subito in latera conjicit, ne præcipiti musculorum contractione lædantur. Cautelæ autem, sub repositione, exposcunt, ut nec fursùm nec lateraliter, sed initio, in quantum licet, deorsùm, postea antroorsùm & denique fursùm ducatur Maxilla. Si unâ parte proruperit maxilla, in uno tantum latere læso adhibetur hæc praxis : difficilior verò tunc evadit : 1°. propter majorem in hoc casu musculorum tum contractionem tum resistantiam, 2°. propter minorem oris aperturam, quæ impedit ne pollex propè articulationem ducatur. De variis in hujusmodi luxatione inventis & applicatis, à celeberrimo *Lecat*, mediis, vid. diarium Medicinæ, tom. 11, pag. 28.

V I I.

MAXILLA, suum in locum reposita, spleniis & fasciâ quâdam, *fundâ* dictâ, defensivo medicamento imburâ, retinetur. Longior injicitur habena, utrinque in longitudinem ad medium ferè incisa, cujus media pars mentum, extremitatum verò duæ hominis caput complectuntur ; reliquæ super cervicem, & hinc suprâ frontem adductæ, ligantur. Futura præcaventur accidentia médiis generalibus & aptâ victûs ratione ; debellantur præsentia pro re natâ.

F I N I S.